

Surat khabar: Utusan Sarawak (Tempatan)

Hari/Tarikh: 11/10/2013

Muka surat: 8

Tajuk : UNIMAS, GCVSB Bekerjasama Laksana Penyelidikan CoERe.



METERAI PERJANJIANNaib Canselor UNIMAS, Prof Dato' Dr Mohammad Kadim Suaidi (dua kiri) bersalaman dengan Pengerusi Eksekutif GCVSB, Raja Dato' Azwane Raja Ariff (tiga kanan) semasa pertukaran memorandum persefahaman di Kuching, semalam.

UNIMAS, GCVSB bekerjasama laksana penyelidikan CoERe

ZAPHNE PHILIP

KUCHING, Khamis - Universiti Malaysia Sarawak (UNIMAS) dengan Golden Circle Venture Sdn Bhd (GCVSB) menandatangani memorandum persefahaman (MoU) untuk bekerjasama dalam penyelidikan Pusat Kecemerlangan Tenaga Yang Boleh Diperbaharui (CoERe) di sini, hari ini.

Naib Canselor UNIMAS, Prof Dato' Dr Mohammad Kadim Suaidi berkata, CoERe adalah pusat penyelidikan kritikal dan pembangunan, perundingan dan khidmat masyarakat bagi penggunaan teknologi kuasa hidroelektrik, tenaga solar, hibrid,

biomass, tidal dan tenaga angin.

"CoERe telah ditubuhkan pada tahun 2009 di bawah Fakulti Kejuruteraan, UNIMAS dan diketuai oleh Prof Madya Dr. Azhaili Baharun.

"CoERe di UNIMAS juga berusaha untuk menjadi tonggak utama dalam usaha melalui aktiviti yang berkaitan dengan Koridor Tenaga Boleh Yang Boleh Diperbaharui Sarawak (SCORE)," ujarnya ketika berucap pada majlis menandatangani MoU.

Tegasnya, untuk memperkukuhkan kedudukan dan kewujudan UNIMAS sebagai peneraju utama penyelidikan dan pembangunan (R&D) kepada SCORE, CoERe di Mukah akan dibina di atas tapak tanah yang disedi-

akan oleh kerajaan negeri.

"Pusat ini akan menjadi tumpuan utama kepada aktiviti-aktiviti penyelidikan yang mampu menyumbang secara langsung kepada kemajuan dan pembangunan SCORE seperti yang telah dirancang.

"Justeru, dengan termeterainya MoU antara UNIMAS dan GCVSB hari ini maka kedua-dua pihak akan bekerjasama dalam menjalankan aktiviti penyelidikan dan juga perundingan," katanya.

Hadir sama, Pengarah CoERe, Prof Madya Dr Azhaili Baharun, Pengerusi Eksekutif GCVSB, Raja Dato' Azwane Raja Ariff dan Pengarah Eksekutif GCVSB, Kamarulzaman Mat Jusoh.